



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Agenda Dioecesis Paderbornensis Rituali Romano
accommodata**

Hermann Werner <Paderborn, Bischof>

Nevhsii, 1687

De confirmatione brevis. §.

urn:nbn:de:hbz:466:1-36005

Iavat sordes, & mundat peccata. Tibi igitur præcipio omnis spiritus immun-de, omne phantasma, omne mendacium, eradicare & effugare ab hac creatura aquæ salientis in vitam æternam, regenerans eos deo Patri, & Filio, & Spiritui sancto in nomine ejusdem domini nostri Jesu Christi, qui venturus est judicare vivos & mortuos, & sæculum per ignem. **R.** Amen.

Oremus.

Domine sancte, Pater omnipotens, æterne deus, aquarum spiritualium sanctificator, te suppliciter deprecamur, ut ad hoc ministerium humilitatis nostræ respicere digneris, & super has aquas ablwendis & purificandis hominibus præparatas, Angelum sanctitatis emittas, quo peccatis vitæ prioris ablutis, reatuq; deterso, purum sancto Spiritui habitaculum regenerati effici mereantur. Per Dominum nostrum Jesum Christum, Filium tuum, qui tecum vivit & regnat, in unitate ejusdem Spiritus sancti Deus: Per omnia sæcula sæculorum. **R.** Amen.

Tunc sufflet ter in aquam versus tres partes, secundum hanc figuram  deinde imponit in censem in Thuribulo, & fontem in censat. postea infundens de oleo catechum. in fontem in modum Crucis dicit.

Sanctificetur, & fœcundetur fons iste oleo salutis, renascentibus ex eo in vitam æternam in nomine  Patris, &  Filii & Spiritus,  sancti.

R. Amen.

Deinde eodem modo infundit de chrismate dicens.

Infusio chrismatis Domini Jesu Christi, & Spiritus sancti Paracleti, fiat in nomine sanctæ Trinitatis. **R.** Amen.

Postea accipit ambas ampullas Olei & Chrysma, & de utroq; simul in modum Crucis in fundendo dicit.

Commixtio Chrysmae sanctificationis, & Olei unctionis, & aquæ baptismatis, pariter fiat, in nomine Patris  & Filii  & Spiritus  sancti.

R. Amen.

Tum depositis ampullis, dextrâ manu oleum sanctum & chrisma infusum miscet cum aqua & spargit per totum fontem. Deinde manum detergit, baptizandos baptizat. Si neminem baptizat, statim manus abluit, ablutio fundatur in Sacrum.

DE SACRAMENTO CONFIRMATIONIS.

Cum materia, forma, ordo, & ritus hujus Sacramenti Episcopum, veluti Ministrum hujus concernat, hic de his nihil ponitur nisi quod Parochi Confirmationis Sacramentum, ejusq; effectum, gratiam scilicet maiorem ad resistendum Diabolo & temptationibus, suis diligenter explicent, ut & in statu gratia suscipiantur. Curabunt etiam, ut omnia tam Confirmatorum, quam parentum & patrinorum nomina exactè notentur, quatenus confirmationis testimonia dare valeant; & de cognitione spirituali inter confirmatum ejusq; Parentes, & Patrimum contracta cognoscere. Et si forte contingat, quosdam inveniri, qui hoc impedimento posito, nihilominus matrimonium contrahere vellent, Parochi desuper Superiorum loci informare valeant.

Fascia post triduum solvatur & detergatur frons, fasciaq; comburatur.

DE SACRAMENTO POENITENTIAE.

Poenitentiae Sacramentum, relapsis post baptismum unicum salutis remedium, à Sacerdote proprio, vel alio ad id delegato, & ab Ordinario antecedenter approbato, tanto administretur accuratius, quanto petitur frequentius; ne vel ignorantia Ministri, vel nimiâ facilitate à quibusvis casibus absolvendi vilescat, vel nimia hæsitatione & scrupulandi morâ fiat exolum.

Materia